



Broj: 01-214/17
Vareš, 30.10. 2017. godine

Na osnovu člana 17. stav 6. Zakona o uzurpacijama („Sl list SR BiH“, broj: 6/78 i 13/94), člana 372. Zakona o stvarnim pravima („Sl.novine FBiH“, broj: 66/13 i 100/13), i člana 22. Statuta Općine Vareš – Prečišćeni tekst broj 01-162/12 od 11.09.2012. godine, Općinsko vijeće Vareš, na 11. sjednici održanoj 30.10.2017. godine, d o n o s i

DOPUNSKU ODLUKU

o utvrđivanju povučene-obnovljene granične linije između šume i šumskog zemljišta u državnoj svojini i poljoprivrednog zemljišta u privatnoj svojini, u katastarskoj općini Blaža-po novom premjeru k.o. Okruglica

Član 1.

Utvrđuje se povučena.- obnovljena granična linija između šume i šumskog zemljišta s jedne strane i poljoprivrednog zemljišta s druge strane u mjestu Letevci, općina Vareš, lokalitet „Kubeca“, a na dijelu parcele označe kao k.č. broj 490/1 šuma, upisano u z.k.uložak broj 623 k.o. SP Blaža kao državna svojina, što po novom premjeru odgovara dijelu parcele broj 828/1 šuma Kazani, upisano u posjedovni list broj 45 k.o. Okruglica, i poljoprivrednog zemljišta označenog kao k.č. broj 490/25 k.o. Blaža, što po novom premjeru odgovara dijelu parcele broj 830 k.o. Okruglica, upisano u posjedovni list broj 219 k.o. okruglica, vlasništvo i posjed Marinković Vase sina Nikole i drugih, koja je ranije povučena i utvrđena Odlukom broj 01-023-49/75 od 28.05.1975. godine (MSG broj 21/76).

Član 2.

Povlačenje granične linije radi obnavljanja uništenih oznaka na zemljištu opisanom u članu 1. ove Odluke za dio poteza zvani „Kubeca“, počinje od tromede parcela broj 836 k.o. Okruglica u posjedu Zekić Steve Đorđe, 830 k.o. Okruglica u posjedu Marinković Nikole Vase i drugih i parcele broj 828/1 upisano u posjedu Šipad-Jahorina Šumarstvo Vareš sada JP ŠPD ZDK d.o.o. Zavidovići PJ Šumarija Vareš, tako da obnavljanje počinje od oznake:

- DŠ-1 , postavljen na stablo smrče Ø 55 cm.
Odatle granica produžava u pravcu sjevera gdje je na udaljenosti od 40 m od obnovljenog znaka, obnovljen znak
- DŠ-2, postavljen na stablu smrče Ø 30 cm.
Granica se nastavlja u istom pravcu gdje se na udaljenosti od 57 m2 od DŠ-2, obnavlja znak
- DŠ-3, postavljen na stablu smrče Ø 55 cm (na mjestu stare oznake koja je usječena), produžava dalje i na udaljenosti od 24 m od DŠ-3, postavlja se nova oznaka
- DŠ-3/1, kao dvojni znak postavljen na stablo smrče Ø 35 cm.

- Odatle se granica lomi u pravcu sjeverozapada i na udaljenosti od 61 m od novog znaka DŠ-3/1 obnavlja se znak
- DŠ-4, postavljen na stablu smrče Ø 65 cm . Linija produžava u istom pravcu i na udaljenosti od 40 m obnavlja se znak
 - DŠ-5, „dvojni“, postavljen na stablu smrče Ø 65 cm .
 - Odatle se granica lomi u pravcu jugozapada i na udaljenosti od 13 m, obnavlja se znak
 - DŠ-6, kao lomni znak postavljen na stablu smrče Ø 35 cm, gdje se granica lomi u pravcu zapada i na udaljenosti od 14 m obnavlja se znak
 - DŠ-7 „dvojni“, postavljen na stablu smrče Ø 40 cm.
 - Linija se lomi u pravcu sjevera i na udaljenosti od 52 m , postavlja se novi znak
 - DŠ-8, postavljen kao novi znak na stablo bora Ø 25 cm . Granica produžava i na udaljenosti od 36 m obnavlja se znak
 - DŠ-9, postavljen na stablu bora Ø 45 cm. Odatle granica produžava do stare oznake koja je bila postavljena na stablu bora koji je slomljen i suh tako da je postavljen novi znak
 - DŠ-10, postavljen na stablo bora Ø 40 cm, a na udaljenosti 30 m od DŠ-9..
 - Granica produžava u pravcu sjeveroistoka gdje se obnavlja postavljeni znak
 - DŠ-11, postavljen na stablu smrče Ø 55 cm, udaljen 55 m od znaka DŠ-10, gdje produžava dalje u istom pravcu i na udaljenosti 51 m od DŠ-11, obnavlja se znak
 - DŠ-12, postavljen na stablu smrče Ø 60 cm.
 -

Član 3.

Pregledna skica sa obnovljenom i ucrtanom graničnom linijom za ovaj potez, čini sastavni dio ove Odluke.

Član 4.

Parcela označena kao k.č. broj 829 upisana u posjedovnom listu broj 220 k.o. Okruglica u korist posjednika Marinković Vase sina Nikole i drugih, je nakon povlačenja granične linije u skladu sa ranijom Odlukom o povlačenju granične linije broj 01-023-9/76 (MSG broj 7/76), ostala u kompleksu šume i šumskog zemljišta kao uzurpirano zemljište za koje je donijeto Rješenje ovog organa, broj: 06-474-48/76 od 24.03.1977. godine na osnovu kog je uzurpant bio dužan napustiti zemljište.

Kako su se uzurpanti prilikom aerofotogeometrijskog snimanja radi uspostave novog premjera, ponovo upisali na uzurpiranom zemljištu u katastarskom operatu, to se ujedno u skladu sa ovom Odlukom, nalaže brisanje parcele broj 829 upisane u posjedovnom listu broj 220 k.o. Okruglica i pripis iste u posjedovni list u kom je kao posjednik upisan korisnik šuma na ovom području JP ŠPD ZDK d.o.Zavidovići jer se radi o šumi i šumskom zemljištu.

Član 5.

Ova Odluka stupa na snagu osmog dana od dana objavljivanja na oglasnoj tabli Općine Vareš.

**PREDSJEDAVAJUĆI
OPĆINSKOG VIJEĆA**

Kenan Kamenjaš

Odluka objavljena na oglasnoj tabli Općine Vareš 31.10.2017. godine.

OPĆINSKI NAČELNIK

Zdravko Marošević

O b r a z l o ž e n j e

Dopunske odluke o utvrđivanju povučene granične linije u postupku obnove, povučene između šume i šumskog zemljišta i poljoprivrednog zemljišta u k.o. Blaža-po novom premjeru k.o. Okruglica

Pravni osnov za donošenje ove Odluke sadržan je u članu 17. Zakona o uzurpacijama kojim je propisano da se prije raspravljajanja uzurpacija zemljišta na terenu povlače granične linije između šume i šumskog zemljišta, s jedne strane i poljoprivrednog zemljišta, s druge strane.

Povlačenje granične linije vrši komisija koju određuje Općinsko vijeće. O izvršenom povlačenju granične linije na licu mjesta sastavlja se zapisnik i izrađuje pregledna skica. Zapisnik o povlačenju granične linije, kao i pregledna skica stavljaju se na oglasnu tablu Općine Vareš na uvid zainteresovanim licima, koji u roku od 30 dana od dana stavljanja na uvid mogu dati svoje primjedbe.

U konkretnom slučaju radi se o postupku obnavljanja granične linije koja je dijelom uništena, a koja je ranije povučena i utvrđena Odlukom Skupštine opštine Vareš, broj: 01-023-49/75 od 28.05.1975. godine (MSG broj 21/76).

Kako su u konkretnom slučaju nakon povlačenja granične linije, od strane komisije, zapisnik i skica o povlačenju linije stavljeni na oglasnu tablu Općine Vareš te dostavljeni zainteresovanim strankama, te kako nije bilo primjedbi na iste, Komisija za povlačenje granične linije predlaže da se predložena Odluka usvoji.

Članom 371. Zakona o stvarnim pravima („Sl.novine FBiH“, broj 66/13 i 100/13) prestala je primjena Zakona o uzurpacijama („Sl.list SR BiH“, broj: 6/78), međutim članom 372. istog Zakona propisano je da će se postupci o sticanju, zaštiti i prestanku prava vlasništva i drugih stvarnih prava započeti na osnovu propisa koji su bili na snazi do dana početka primjene ovog zakona okončati po odredbama tih propisa.

U konkretnom slučaju radi se o obnovi, a ne novom postupku povlačenja granične linije, koja je ranije povučena i utvrđena Odlukom Skupštine opštine Vareš, broj: 01-023-49/75 od 28.05.1975. godine (MSG broj 21/76), i pravnim radnjama koje su već rješavane u predmetu broj: 06-474-48/76 od 24.03.1977. godine na osnovu kojih je uzurpant bio dužan napustiti zemljište.

**PREDLAGAČ:
OPĆINSKI NAČELNIK
Zdravko Marošević**